

杜工部詩集

91185



拙齋詩集卷七

丹徒南星高壽昌長齡著

五言律詩

鴻鶴山房四時卽事四首

舊爲楊文襄一清別墅後更何氏再

更陳氏今歸余家

柴門聞馬搗客至道看花步猛防侵筍談深索煮
茶鶯賡無譜曲蛙報不官衙勝事春爲最城南有
幾家

分秧初及時時盡早蟬知暑日竹陰薄雨賸瓜蔓
拙齋詩集卷七

滋野塘安水碓釣客理筒絲新鑿池流淺花開菱
芡遲

新霜催蟀鳴商意動秋聲禾稼乘涼穫蓬麻讓地
耕園林無秘響洞壑有餘清落葉滿村徑嘈嘈曳
杖行

迴溪阻雪深幽谷少人尋野老戶常墜素交書久
沈雲遲出岫意泉抱在山心不有最高詠梅花孤
一林

沿黃鶴山過康灣至吳園訪主人不遇

沿山無半里。拄杖未云遙。響屐驚流水。行人過板橋。
澗花飄雨瓣。野棘長煙條。不見壺公隱。空懷許氏瓢。

新晴

雨天雲忽破。喜見半山晴。竹尾翠禽立。松巔蒼鼠鳴。
檐茅溜猶濕。池日窗多明。行矣曳藜杖。去看原上耕。

雨後至竹林寺初逢雪谷長老

積陰久岑寂。遣興訪禪關。草長欲無路。雨晴初見

拙齋詩集

卷七

二

山寥寥。雙屐印落落。古苔斑。長老知名舊。開堂一破顏。

竹林寺期友不至

殘陽猶挂樹。簷雀下紛紛。寺暝鐘催月。山空磬定雲。
巖扉深未閉。竹木杳難分。有約何遲滯。無言只憶君。

幽居

消息親知外。幽居與世違。山花繞戶轉。溪鳥到門飛。
短杖薜蘿徑。薄裝荷芰衣。漁樵亦多事。日日市

城歸

河干別 并序

先君子有漕運之役挈眷北上 齡 以就學

諫壁姑氏不獲偕行拜別河干慘動慈顏

嗟乎老親白髮小子垂髫哀哀劬勞之思

戚戚將離之感賦河干別追紀其事此痛

此恨將終身焉

片紙官書促衰顏別恨牽離聲東逝水行色北開

船去路踰千里歸期計一年背人偷拭淚不敢在

拙齋詩集 卷七

三

親前

岡山

此山當一面鬱若虎獅蹲地勢雄天塹江光拓海

門寺荒留壞塔關廢賸烽墩聞自防兵撤藤蘿漸

可捫

海門

海門深杳杳天塹自天成日月昇空影風雷鼓浪

聲朔南分玉壘鎖鑰固金城一失關防利空存險

要名

道光壬寅英夷兵輪自海門駛入遂陷郡城牛制軍議款後岡山迤東防兵盡撤

中秋夜有懷劉八汝卿

故人渺何處。對月憶前盟。已是隔年別。那堪今夜情。亦知求薄祿。轉爲惜勞生。書札遙相問。無由達長卿。

題李壬林抱琴圖

李生不見久。今見抱琴眠。草露濕芒屨。松風和石泉。冥心僧入定。逸響籟從天。我有水仙操。請君彈上絃。

書齋急雨

拙齋詩集

卷七

四

急雨驀驚秋。涓涓萬瓦流。銀牀催捲簾。珠箔喚垂鉤。涼爽先歸戶。風濤儼在舟。書齋留客住。歡喜話西疇。

賦得蠶豆

南山有嘉種。結實可療飢。欲問豆苗長。請看桑葉稀。露花開且落。雨菘摘還肥。莫當青蛾老。繞籬蝴蝶飛。

初夏卽事

炎曦初照臨。稍覺暑氣侵。濯足向流水。移琴就樹

陰松風療熱疾。蘚石瘦詩心。得句自怡悅。詎因求
賞音。

扶筇

扶筇轉山麓。得水欲窮源。青嶂失前路。白雲橫遠
村。深林鳥聲寂。炊火晚煙昏。出谷淡吾慮。月輝剛
映門。

烽火

癸丑
二月

大江烽火逼。聞報使心驚。擾擾謀遷地。紛紛競出
城。入林憂不密。去國抑何輕。人世昇平久。從來未
拙齋詩集 卷七 五

見兵。

感懷貽張文山

福昌

四海罹兵劫。流離奈運何。詩書殘卷盡。骨肉九原
多。黑髮愁中變。青陽夢裏過。所持惟志氣。幸不及
銷磨。

哭妹

亂離攜弱妹。旅食歷艱辛。一疾成長逝。同胞有幾
人。生年嗟汝促。家計累吾貧。轉幸重泉下。相依有
二親。

孤筍呈從兄

孤筍無依倚。託根殊未牢。漸能脫泥滓。猶苦翳蓬蒿。踐恐摧折易。養須培植勞。羨君先得地。鳳尾日增高。

偕豐城村陳月生

金波

至蔣莊

屐齒不擇路。薄遊西日斜。漸聞村犬吠。知近野人家。竹塢閱煙筱。槿籬開晚花。扣門酬宿諾。一爲問桑麻。

與外祖母別

拙齋詩集

卷七

六

江船揮淚別。難慰是高年。願我獨留滯。對茲傷播遷。無家况兵革。喪母益哀憐。永記瀕行語。依人好自賢。

聞宋子堅

庚銓

自賊中歸已及其家

移家倉卒際。失路值紅巾。死別意中事。生還夢裏身。老親應慰藉。見面恐酸辛。何處桃源境。安居可

避秦

時由金溝遷回丹徒鎮又有兵警

不獲曹苻湖

世銘

消息賦詩寫憂

策杖荒郊外。驚禽返故枝。胡爲失巢鶴。不見有歸

時縱作維摩啞應傳凝碧詩故交腸盼斷生死到
今疑

龍川遇陳步良

克常

燕鴻非一處難得共高歌暫作異鄉會休拋良夜
過吟詩何太苦幽思向來多有酒不沈醉其如離
別何

旅夜

孤館誰相伴爲鄰只有僧怨蛩秋弔月飢鼠夜窺
燈羣動一時寂中宵百感增勞生亦已瘁饑饉况
拙齋詩集

卷七

七

頻仍

由金沙至珥村見道旁空宅牆壁完好樓宇
甚峻而無居人或云主人爲此鄉巨富遇
賊被屠余往來數載經此一酸鼻賦詩題
壁以誌焉

舊族門庭在樓高倚夕暉但看芳草長不見主人
歸廢井青甃語空梁紫燕飛無鄰訪消息來去爲
沾衣

雲陽贈別

八月雲陽道。秋風滿客襟。欲違知己去。無限別離心。
天迴雲何極。江寒水正深。且收兒女淚。魯酒暫同斟。

曉行

晨興發山館。雞唱樹冥冥。霜壘草根白。曙村雲脚青。
東隅未出日。北斗尚懸星。回望舊行處。荒煙沈驛亭。

投宿丁古集僧寺

暮投僧寺宿。此集太荒貧。沽酒愁無店。燃燈遠見拙齋詩集

卷七

八

鄰破廊風撼壁。空巷犬吠人落日。原頭望。頽雲隱戰塵。
時粵匪蟠踞天六過此以。西爲賊蹤常出投之境。

不寐

夜長孤館寂。客况逐愁生。窗暗燈無燄。蟲游壁有聲。
徹衾秋意入。怯枕旅魂驚。不寐待天曙。鄰雞猶未鳴。

冬日送友早發應軍門之聘

殘夜犁星沒。初冬陰氣凝。客行愁積雪。早發踏寒冰。
道合詩書重。時危肝膽矜。知君多壯志。臨別一

揮肱。

維揚寓舍送錢幹周楨移家之寶應四首

聚日曾無幾。旋分道路中。余情殊戀戀。君意劇匆匆。倦翼憐飛鳥。離羣惜去鴻。臨歧無可贈。灑淚向西風。

薄海兵戈日。殊鄉患難時。那堪同在客。更對泣臨歧。萍水何年聚。風塵未易期。浮雲此路去。吾意與俱馳。

蹤跡同秋燕。巢空少定棲。無心成邂逅。隨意判東西。

拙齋詩集 卷七

九

西世事雲情。幻浮生夢境。迷來時更難料。念此倍悽悽。

獨坐高齋掩。長征去路遙。居人情落寞。行者意蕭條。邗水吟孤月。湖船泊暮潮。但憑南雁到。書札報無聊。

哭錢幹周

幹周移家後報書未至遽接訃音

飢寒驅忽去。無計可留君。不謂生時別。居然死路分。尙思文酒會。已失鳳鸞羣。慟哭江天暮。秋陰黯樹雲。

傷逝

曹侯身陷賊湖視死已如歸窮餓填溝壑吾悲王

楚材煥詩書讀無益風鶴警仍來生世誰先料殷

憂在草萊

笳

寒空薄暝至嗚咽動悲音不待風沙色能生邊塞

心孤鴻迴磧影萬馬聚城陰獨有幽州夜聞聲感

最深唐張道濟幽州夜飲詩軍中宜劍舞塞上重笳音

鼓

拙齋詩集卷七 十

軍書催急戰野幕陣雲開氣使孱羸壯聲經殺伐

哀援枹拋白雨捲地走殷雷早晚巖疆復舉旗上

將才

蛩

草際自吟恨那知思婦心秋堦夜不曙眾響同一

音苦月照無色寒風吹滿林高樓一燈下不忍更

聞砧

蝶

粉翅經秋瘦輕狂與昔同東西如作客飄泊本隨

風白草繁霜影黃花冷露叢應知避團扇飛不到
深宮

猿

三峽孤舟夜淒風嘯一林聲聲迸客淚寸寸碎鄉
心斷岸月如曉陰崖秋已深空舫感胡擢觸忤亦
成吟

雁

霜天曉角歇嘹唳起汀洲片影關山月寒聲木葉
秋旅程頻北望鄉夢與南遊故國今烽火風塵愼
拙齋詩集 卷七 十一
去留

江樓聞笛二首

萬境莽蕭蕭千山自闐寥笛聲寒夜月催起滿江
潮清曲此時聽旅魂何處招憑高望鄉國塵暗正
難銷

危樓俯百尋漁笛學龍吟坐此清寥夜偏生曠遠
心怪來音調苦望盡水雲沈欲詠愁無和臨風一
整襟

破寺

邑殘猶賸寺。屋破不遮鄰。廢院無鐘鼓。虛堂有鬼神。
鷓鴣巢簷口。樹鼠落佛頭。塵聞道天長縣。來遊賊騎頻。

大霧山行

路出寒山外。人行宿霧中。彌天迷似夢。大地靜無風。
鳥矚深深隱。雞聲暗暗通。馬蹄催不得。緩步已騰空。

雨夜

旅程羈滯夜。欹枕客愁生。鄉夢搖燈影。秋心碎雨聲。
拙齋詩集

卷七

三

聲時荒疑有盜。市遠不聞更。爲問端居者。誰知此際情。

阻雨

暮雲寒不散。入夜雨霏霏。秋土原多感。天涯況未歸。
歸夢回燈影。瘦思苦柝聲。微太息。關城阻。鄉書應更稀。

歲宴有懷表兄劉小蘭

傳祥

遊子久不至。歲寒霜雪深。朔風動茅屋。落葉冷楓林。
以我荒居意。思君遠道心。茫茫竟何似。遲暮儻

沾襟

仙女鎮尋陳步良不遇留字三元宮問訊

闌中塵撲地入市眼難開之子不獲晤行人空自
回白雲迷去向紺宇鬱崔巍存問留書札知余過
訪來

陳步良與吾鶴生舅氏先後同出悔廬先生

門步良悔廬甥也兩先生皆下世余獲交

步良因有是贈

汝舅與吾舅師生如漆膠今君忘輩行與我契神

拙齋詩集

卷七

三

交我愧非無忌君真是鳳苞相期敦道義別後莫
輕拋

入城次韻

孤城百戰後春入四郊愁民命依榛莽軍容整劍
矛來歸雙袖淚去住一身浮太息滄江晚笳聲警
戍樓

寄焦山韓筆生

光煦

別日積彌久渴懷紆未伸雲霞孤嶼迴花月隔江
春余意欲遙寄緒言難具陳料應塵外客亦憶旅

愁人

焦山讀石刻會賓谷及諸名公倡和詩次韻

追和六首

萬古一拳石中流橫翠煙洪荒初闢地混沌別開

天自得靈蹤託長留石窟圓

焦先有石室名曰瓜廬

登臨擅

清福此外莫求仙

勝地留清賞江南最好辰苔含經宿雨梅孕古時

春守窟魚龍靜窺簷鳥雀馴息機殊未得慚我暫

遊人

拙齋詩集

卷七

古

俯檻對江光中峰寶氣藏靈鼉來髣髴飛鳥沒青

蒼與客談蘇米看僧禮梵王欲摩崖篆讀世遠半

難詳

絕頂攀藤上征帆面面來天風吹獨立屐迹印深

苔百感此時集一聲長嘯哀別峰庵外望何處著

塵埃

落日下松寥危欄倚暮潮涼催天籟發風激水珠

跳山意都含媚江聲不厭囂坐閒僧進茗胸臆覺

飄蕭

盛事名賢集。高風曠代清。雲煙供筆掃。欬吐落波
輕。鶴返揚州尉。鸞回鐵甕城。石刻有句。曲女史
駱綺蘭佩香和詩。昔
遊誰更續。景仰和詩成。

病歸

出門無所遇。踳躅病歸來。風雨橫孤榻。參苓問藥
材。兒愁容帶淚。妻侍色如灰。竟日浮雲裏。沈冥掃
不開。

舟次唐灣和陳月生村居有感之作

望望長河畔。人煙一帶深。高帆出樹杪。夕日盪橋
拙。齋詩集

卷七

五

陰入市觀風。薄迷花載酒。尋知君居此地。抑鬱少
同心。

姜堰鎮尋李玉林村居

客子念親故。村居聞匪遙。斯人期一見。前路暫停
橈。楊柳岸邊寺。荻花溪上橋。行行地幽僻。所過問
漁樵。

贈錢晴波

淮

相逢廣陵道。拍手一狂呼。肝膽論交熱。形神駭俗
趨。人言汲黯戇。我諒子臯愚。卽此見真性。知音今

或無。

贈樊小浦

折

鮑叔不並世。焉知管仲才。結交憐我晚。懷抱對君開。暫隱豐城劍。休辭北海杯。逢秋將大獵。早晚向燕臺。

贈張子京

易

相士徧天下。當前失一人。知經磨礪久。始得性情馴。愧我鋒多露。窺君意獨真。廣陵一相見。冷眼遇陽春。

拙齋詩集

卷七

六

贈從兄子秋

超年

吾兄真友愛。見卽倒金甌。鬱鬱胸多感。喃喃語不休。勞形非得已。於世太多求。早謝塵氛事。歸爲熟醉謀。

寄懷同里諸君八首

柳賓岫

旭

柳氏好兄弟。龍頭時論褒。一從辭井里。不復卧蓬蒿。盡得岐黃秘。歛然聲價高。願持良相意。普濟莫辭勞。

顏丈子嘉

錫名

先生真汎愛。我輩挹謙光。當代崇經術。斯人獨擅場。秉承原有自。永感未應忘。尙有文章在。遺編待

闡揚。

先生受業梅廬夫子曾爲文募刊其師遺集後未果行故云

楊子安師

履泰

隱矣吾夫子。家居久杜門。文章娛老境。弧矢示童孫。馬帳筵新設。鱣堂望夙尊。春風曾侍坐。儀度想溫溫。

戴徵君汝舟丈

楫

拙齋詩集

卷七

七

哀俗風趨下。誰人說秉彝。斯翁猶豐鑠。大道未陵夷。品望鄉閭式。文章顯達知。著書行不朽。莫歎鬢如絲。徵君著薛子條貫編爲當途所重一時有國士之目故云

羅丈耦廉

志讓

落落羅昭諫。襟期邁等倫。倘教謙愈下。彌覺近堪親。經濟攄長策。交情見古人。靈苗新秀發。玉樹兩枝春。

賈丈鶴儕

松年

矯矯雲中鶴。風流本不羈。醉鄉千日酒。心血一編

詩嘗讀漫吏稿

鶴齊一字海雪自號漫吏著有蕭艾堂詩稿

儼逢天寶

時騷壇未廢墜君後問誰持

何緝庵

濬熙

妙手書兼畫吟詩累百篇如君三絕技不讓古人

專私愛徒傾倒岐途迭播遷寸心無寄處說項在

人前

張文山爲余誦緝庵五絕一首云幽鳥鳴寒澗明月上東嶺石徑悄無人一片楸梧影余

愛其清絕常逢人稱道之

張心壺

斯人有狂疾淪落亦堪悲白眼空流輩青雲鬱壯

拙齋詩集

卷七

六

時安貧原憲素罵世禰衡危安得鄉賢達原情曲

護持

省諫壁劉氏姑母疾臨別感賦

自小倚姑氏讀書江上峯亂離成契闊衰朽見形

容老病已經歲暫來無定蹤辭行雙眼淚滴滴著

吾胸

寄表兄劉小蘭

傳祥

我憶遠遊子經年在冀州戟門騎駿馬幕府擁貂

裘刀筆千時策笙歌貰酒樓未應當暇日不念倚

閨愁

覽族兄淦泉遺照見亡友陳步良題詞感賦
偶覽吾宗畫。因觀故友詞。遺容猶髣髴。殘墨幾吟
披。早歲鴿原痛。平生鮑叔知。人琴同寂寞。零涕黯
交頤。

病中喜子芳姪至

我病卧已久。汝來情更親。藥鑪連夕火。燈影一家
人。坐起談侵夜。歡呼氣動鄰。盤飧滋味薄。尊酒諒
吾貧。

拙齋詩集

卷七

九

書韓叔妃丈古愚稿後

我讀古愚稿。梅花破屋春。孤懷凜冰雪。老眼拔風
塵。交友誼何篤。濟時情獨真。欲將含蓄意。持贈有
心人。

金灣河

金灣河幾折。一折一渟澗。防患隄新築。觀潮客至
登。急流無穩渡。欵岸有懸簷。邵伯湖樓近。來船喚
卽磨。

瓦窰鋪

柴門臨岸斷。流水抱村圓。覆屋家家瓦。燒山處處煙。居民饑是業。勤作火爲田。自足陶漁樂。中疑有隱賢。

夜坐

涼天貪夜坐。秉燭到深更。綠竹團陰黑。清渠受月明。四鄰皆睡熟。大造亦無聲。不敢驚棲鳥。巡簷躡步行。

旱風

旱風吹隴陌。炎夏午天涼。雨勢迴颺阻。塵沙障日

拙齋詩集

卷七

三

黃。飢鳥噉覓食。翩鶴迴求鄉。滿目荒涼色。時危憶戰場。

觀方氏子薙度

生兒胡不育。恩盡在臨時。送者皆垂淚。無慈但有悲。袒衣求受戒。祝髮拜叅師。從此空門內。飢寒佛護持。

觀釣圖爲茅北山題

恆

偶憶渭川叟。興來時一尋。不知溪近遠。但覺境幽深。鷺立水平岸。鶴歸雲在林。得魚非所羨。要識釣

人心

初秋宿東皋沙氏亭林

林卧暑徂餘。疏星光有無。祇因秋爽及。未覺旅情孤。樹密定棲鳥。溪深聞躍魚。思家對燈燭。重檢昨來書。

弔瓜洲故城

卅江週十里。天本厭瓜洲。地自烽煙擾。城無屋舍留。蘆花秋瑟瑟。楓葉晚颼颼。領略桑田意。人煙北岸稠。

拙齋詩集

卷七

三

出郡城南門。經張王廟。至小九華山。六七里。皆在米南宮所畫鶴林煙雨圖境內。

穿巖越嶺過。六七里途程。車與馬爭路。犬隨人上城。山楂壓擔至。販米出郊迎。

兵燹後城中買米者迎出郊外

老米

南宮畫鶴林煙雨晴

焦巖看月出

暝色全山暗。微光忽在東。一輪徐出海。萬象迴澄空。巢鵲驚煙樹。江豚鼓夜風。余身何所著。暫貯玉壺中。

雙峰玩月有感

借問青天月何緣照我頑名山非易到載酒幾時閒
後夜重看月他鄉非此山雙峰峰頂上坐久不思還

題焦山書院長老坐禪圖

遠公堅入定百歲此蒲團廣願恆河界深心大海
瀾誦經龍就榻說法虎蹲闌若問真空意西來如是觀

贈松寥閣僧守堅

時來學詩故有是贈

拙齋詩集

卷七

三

遠公圓寂後方外遂無詩又見緇衣侶來賡白雪
詞欣欣吟句就往往下參遲會得無言旨當求象
外師

經岳武穆墓下作

南北分疆定天心欲挽難君王無武畧宰相是文
官冤獄風波驟歸魂雪窖寒空嗟讐寇肉飢極不

容餐

公詞有壯士飢餐讐寇肉句

冬柳和葉少桐巡檢

希經

二首

本與蒲同質零秋已不禁更無春月致徒有歲寒

心條葉久相失。雪霜仍見侵。桓温頭白盡。淒絕漢南吟。

愁雨復愁雪。摧殘千萬枝。低垂應有恨。學舞不成姿。濃盡見枯候。剝餘將復時。東風當令近。相待路旁吹。

秦淮泛舟回。遂泊武定橋。下聞水榭歌聲。余在舟中倚笛和之。

落日下秋堞。長濠生夕陰。孤篷移櫂轉。一火隱樓深。舊感題橋柱。新歌散客心。卧吹長笛和。杳杳起龍吟。

拙齋詩集

卷七

五月二十七日泊舟戚墅堰二首

雙虹亘南北。橋轉碧波通。竹樹空濛際。人家晻暎中。維舟當酷暑。熱客愛涼風。沽酒呼鄰舫。祇因羈泊同。

入市詢風俗。殊音與聽違。堰行隨路轉。皋望得村稀。一葉釣魚艇。數家臨水扉。卅年爭戰後。未見柳成圍。

自戚墅堰曉發舟行九里阻風橫林鎮二首

逆風侵曉發。九里達橫林。客舫依村泊。人煙入市深。菱蒲早秋思。榆柳晚隄陰。散步尋蕭寺。西塘聞梵音。

石橋高百丈。拾級度中流。估客趨茶肆。篙師覓酒樓。清湯賣浴水。烏榜載菱舟。不是逢風阻。焉能得暫留。

無錫城北舟中曉望

客行喜濡滯。爲戀好郵程。山近雲藏寺。濠寬水浸城。星橋跨虹影。曉市遞雞聲。舟子解維去。余心殊不平。

拙齋詩集

卷七

過泲關書感二首

長濠圍困獸。指日掃妖狐。誰席尸居氣。而令唇齒孤。艱難截右臂。頃刻喪全軀。太息蘇關驛。千秋史筆誅。

一自干戈戢。重遊歲月遷。閭閻仍夙昔。版籍尙依然。往事誰更說。舊憂空復煎。聊爲後時詠。功罪在人天。

頭渡口望南岸殘雪

積雪未消盡。摧殘南渡頭。岸雲風自圻。江月曙還留。
點樹混棲鶴。照泉驚宿鷗。星星看到鬢。遲暮鏡中愁。

雙溝頭尋魯步蟾茅屋有贈

友人惟課讀。無志念紛華。一硯長年計。雙溝僻處家。
桑麻歸著述。衣袖帶煙霞。語及羲農世。銜杯坐落花。

又至雙溝頭

棄棹纔登岸。尋橋復阻溪。行蹤再來誤。心迹隔年拙。
齋詩集

卷七

壹

暎導路喜馴犬。扣門聞午雞。添君詩壁上。淡墨數行題。

拙齋詩集卷八

丹徒南星高壽昌長齡著

五言律詩

病後書懷四首

一疾沈綿久。三秋間兩春。

自丙子秋患心疾至戊寅冬始就痊常疑

眠近鬼。誰分起爲人。庭樹枯還活。簷花萎更新。根存枝易茂。善養葆吾真。

意懶荒書冊。情疏負酒杯。煉丹朝鼎啟。選藥夕囊

開。世事枯禪坐。名心槁木灰。駐顏原匪易。經歷百

拙齋詩集 卷八

魔來

穉子行相引

穉子笑啼皆出天真故行坐常樂與偕

鄰翁暇卽尋。豈

惟少懷意。亦有老安心。棗栗飢分給。壺觴醒勸斟。

休言希聖學。養晦在園林。

嗜好關天性。平生酒與詩。病餘翻戒飲。才老轉無

辭。味淡宜今日。銜華憶昔時。十分豪興減。消長自

心知。

寄確山典史宋子先 庚長 四首

二十餘年別。三千里路分。有懷應及我。無善可陳

君世亂干戈定。時艱饑饉聞。天長舒望眼。離緒觸紛紛。

外弟家中落。飄零君見收。舊情焉得薄。新惠幾時酬。義仗如山重。交知以漆投。還思淺土者。長望故

松楸。

謂自外祖母以下俱淺土未返故山

不慚人情變。焉知世道艱。與君回首憶。令我撫膺歎。錯已從前鑄。心猶過後寒。賢愚同寂寞。黃土歛

衣冠。

外家爲人所負今一感及之

似爾風還古。操心我所師。里人稱嘖嘖。親故喜孜孜。

拙齋詩集

卷八

一一

致物以至誠。感澤由忠厚。貽所期多樹立。慎勿恥官卑。

輓族兄子秋四首

徂夏候顏色。已驚衰病侵。風霜一以厯。搖落更難禁。正盼東歸信。忽傳西逝音。平生兄弟淚。邗水未爲深。

言念兒嬉歲。蹉跎成老翁。胡爲同樹葉。先自墮霜風。几席畫圖在。琴尊言笑空。永違知分定。所惜是匆匆。

魯酒不知味。莫君杯獨操。神交三跪起。痛盡一啼號。白晝豈能接。碧天空自高。低頭還拭淚。溫語慰兒曹。

身後彌縫計。全憑季弟多。謂十弟可能同氣愛。似爾一心婆。待哺雛翎瘦。新髻婦鬢皤。料應魂在地。其奈未暝何。

泊舟東溝

歲宴風兼雨。舟行雪與冰。晚炊時傍岸。枯葦不藏燈。見雁羣呼應。聞龍意戰兢。坐愁明旦發。白髮幾拙齋詩集卷八三
莖增

賦得舟夜雨聲

月晦將爲雨。風尖怯渡河。微雲纔蔽野。細陣已凌波。憶昔樓頭聽。不如篷背多。離人醒枕上。點滴奈愁何。

土山壩成

土山高百尺。此壩至冬成。蓄水容舟過。脩圩讓緯行。風捎寒葦影。雨泊夜柁聲。紆道維揚郡。輕帆半日程。

禹王宮觀燈

年例歲首一張燈余家遷龍川五到此觀燈矣

舊地逢新節。喧燈照寂筵。銀花開火樹。玉殿下星躔。有勝皆貪賞。誰家肯醉眠。呼兒教默記。幾歲住龍川。

寄懷蔡守愚

自枉中郎札。長年繫我思。風塵垂老日。京國倦遊時。畫好成名易。詩工得譽遲。滄浪期共釣。吾道不求知。

初春苦寒書感

拙齋詩集

卷八

四

不知殘臘盡。誰道早春回。一雁驚寒度。千鴉帶雪來。抱薪晨爨濕。鑿凍午冰開。萬里秦關戍。征人被甲哀。

春晴晚步

雨天開夕陽。野水漾晴光。暝色鴉爭樹。春聲鴨亂塘。摘梅憐墮澗。挑薺羨充糧。晚飯田家早。炊煙出短牆。

邗上諸村

此鄉原近海。瘠土却無山。邗上春風到。諸村日往

還鳥聲吟杖外。花氣襲衣間。自笑身無累。因貧轉得閒。

追悼族兄子秋

吾宗通款早。心迹晚相親。歿後纔青草。書來已赤貧。悲哀侵舊疾。感歎動吾真。竟有遺孤託。黃泉負此人。

子秋歿已三載。臨終有遺孤之託。其家今始來告。

梅

始見一花發。江天氣已知。半開人以外。獨立水之湄。冰雪方當令。風霜屢見欺。由來高蹈士。多不適

拙齋詩集 卷八

五

時宜

贈施貧橋丈二首

鄉國烽煙靜。驚傳一叟存。壽絲詩酒福。望臚斗山尊。白髮新移寓。青山老閉門。故人逢一笑。久已誤招魂。

郡伯粹甫趙公重脩縣志。疑先生已下世。採訪入志中。故有結語。

習靜身常健。安貧樂有餘。陶情一壺酒。壽世滿牀書。祿米從朋給。妻孥扣戶虛。孤山林處士。把臂定何如。

得氣雷驚蟄。當春也自鳴。一般將翼鼓。不復似秋聲。百粵昔多事。萬方今解兵。草間冤憤意。行已化和平。

送劉子衣遊幕浙省二首

久雨羈行轍。朝來鵲噪晴。一樽方告別。千里遂登程。鷹隼辭林出。驂騑擇地行。前途有知己。佐治待儒生。

越境佳山水。知君快此遊。秋燈聽濤館。夜月泛湖舟。宅微之借。蓬宮白傳留。經過富題詠。詩草寄

拙齋詩集

卷八

六

邗溝

宿王子純齋中與趙銘辛

西彝

僅隔數壁大

風雨不獲一見寄之以詩

雨止百蟲繼。嘈嘈秋夜深。客窗幽獨意。我友溯洄心。別久空長憶。牆高阻近尋。寄詩相問訊。欲和倚樓吟。

呂城鎮三首

雲陽東巨鎮。半日水程遙。帆過蘭陵舫。江通建業潮。石梁人語雜。酒肆客魂招。隔歲會來此。淹留又

幾朝

呂蒙生長地名在故城荒舊俗猶戈櫓行營尙稱

襜

時爵相左制軍新調營兵駐鎮之東

有材出行伍無廟祀關王

遺恨千秋事低徊水一方

紡織沿河屋篝燈隔水村民風安儉樸士業肄朝

昏有客嗟行役無才墾故屯迷津將欲問躑躅向

誰門

鎮江衛所屯田隱於民間者垂五十年時余奉諭清屯

癸未孟秋下旬泊舟郡城河下遇故人呂廣

明之子道其父病沈縣市藥而歸匆匆別

拙齋詩集

卷八

七

去闕二旬復泊河下聞廣明已歿悲哀之

感有迫於中不知涕之至也舟次不及往

弔爰寄二律以遙輓之

道逢故人子握手語歔歔親疾淹期久山城市藥

歸別更新莢葉重問舊荆扉我友已云歿難禁老

淚揮

少別一千載相知二十春蓋棺稱長者習見忽斯

人世事多緣飾恆情少蘊真望村失聲哭吾道更

誰親

曲阿舟夜

泊舟曲阿縣。望見曲阿城。日落橋陰黑。天寒濠水
平。岸蟲鳴得意。江月照多情。不解無眠客。何因感
慨生。

憶家

纔自家門出。如何便憶家。病肢霜後柳。愁眼霧中
花。老至逢時役。秋來說鬢華。勞人誰是代。遙盼隔
年瓜。

聞鷹聲二首

拙齋詩集

卷八

八

簷響鷲颺颺。驚鷗颯已秋。塞鷹方振翮。代馬總回
頭。猛脫胡兒臂。驕辭壯士鞴。餘聲落平野。狐兔草
間愁。

蕭蕭嘶不斷。天馬走長林。仰視秋雲迴。回看片影
沈。扶搖知得意。搏擊有雄心。肅殺方當令。聞聲感
不禁。

自題旅稿行卷

我有牢騷感。時流喻者稀。句從愁境得。墨帶淚痕
揮。往往聲金石。時時出戶扉。山翁強解事。來聽輒

沾衣

橫逆

橫逆無端至。當時一笑輕。世情焉足說。肝膽詎能平。衰病隨年入。殷憂逐念生。甯坑嗟墮落。天日本昭明。

望山間瀑布

靈山吐靈脈。懸溜下懸峰。碧澗如奔馬。清天忽挂龍。湘簾遮有迹。越練剪無從。待得風吹斷。虹藏水涸冬。

拙齋詩集

卷八

九

贈種竹道士徐退兼求草書

北極曾爲客。西洋亦諫名。遺榮進知退。

初名進後更名退

樂道餓還生。

去歲高麗來索畫今年緬甸又求書縱橫四萬八千里徧訪中原一餓夫

先生自題句也。座挹千竿翠。門扃四壁清。投詩休見棄。殊有餽鶯情。

贈真州鐵筆方仰之

鐘鼎周秦字。貽留千古名。君今攜鐵筆。來往廣陵城。卓爾句鏤出。自然天造成。蟲書不易得。片石慰平生。

詠白鶴

毛羽太瑩潔。翫翔殊不凡。如何落泥滓。不自惜摧殘。露重偏知警。煙昏欲避難。主人深表汝。不放入雲端。

南藩

西國乖和好。南藩走急章。如何將玉帛。而可弭豺狼。義士疲千戰。孤軍困一方。王師聞欲下。旗鼓建堂堂。

海上三首

拙齋詩集

卷八

十

鯨魚何跋扈。海上浪橫飛。雨露難爲澤。雷霆乃示威。江防嚴戒備。

帝胄握樞機。殺氣滄溟闊。行

看白羽揮。

馬謖街亭失。宗臣秉鉞來。民皆瞻若歲。歡已動如雷。黠虜先聲奪。重圍不戰開。果然虛恫喝。料敵是雄才。

天心方赫怒。窮寇敢縱橫。未待關中捷。先成海上盟。將材貪殺敵。

廟算在休兵。一舉煙塵靜。寔

區頌太平。

夜雨驟寒憶外弟曹子華

暮蟬嘶未歇。夜雨忽深寒。外弟辭家久。單衣作客難。有村寄妻子。無信報平安。望眼朝連暮。蹉跎白露團。

丙戌臘月二十五日喜雪

雪花飛且舞。新歲必逢年。疾解襟抱渴。喜隨時物遷。吟詩將絮擬。發興到梅邊。凍海膠舟楫。夷氛總寂然。

時中外已無兵事

喜從姪葵北觀昌入館選

拙齋詩集

卷八

十一

郡邑彫殘後。登科幾翰林。吾宗年尙少。崛起喜何深。孝弟居家事。忠貞報國心。所期惟遠大。不必問升沈。

象山墓

象山置礮臺。伐石得穴中。厝十數棺有碑。文爲明末闔家殉難之墓。營弁聞於統領。亟命封閉。山僧爲余言其事。惜未詳其姓名。詩以誌之。

伐石得深穴。讀碑捫斷文。一家忠義骨。千載秘藏

壙營弁肅瞻拜。山僧驚見聞。英靈一顯後。長閉洞中雲。

鄭虔玉維

前有詠李白杜甫二首編七言卷內

鄭虔三絕技。雅可配維摩。詩酒聲名大。遭逢缺陷多。秘章達行在。哀詠出靈和。一樣心無二。難邀共諒何。

孟浩然

詩名動人主。何事欲歸嵩。片月回天上。孤雲宿澗中。迷花憐鬢白。對酒惜顏紅。異代仰高躅。當時稱拙齋。詩集卷八

孟公

自喬家門至句容界

肩輿無引導。隨轉路灣環。地是五丁鑿。人行盤谷間。飛泉時作雨。崩石欲離山。行役不知倦。咄哉勞者閒。

大泉寺二首

寺建於大唐移於劉宋復興於前明姚暮山門記句曲之麓實

爲崑峯厥生大泉寺以泉題

杖藜尋古寺。碑版訪遺蹤。拓地飛靈鷲。開泉噴玉龍。院留孤塔影。僧帶六朝容。到此塵心淨。禪房坐

聽鐘

冶遊天氣好。難得是春分。戶外垂楊綠。門前芳草
薰。瑜迦輝映日。香火女如雲。是日女道場集者以千數百計社散
人歸去。龍華會上羣。

葛仙庵

葛洪昔隱此。辛苦鍊黃金。蛻骨不知處。飛昇傳至
今。龕雲虛象設。松日法筵深。欲叩長生術。徘徊丹
竈吟。

代家書示儀善

拙齋詩集

卷八

十三

在家貧亦好。出外計多非。事業年華誤。交情志願
違。卑棲徒自役。長策莫如歸。心逐南天雁。朝朝北
嚮飛。

聞履安弟讀書城樓古庵喜極賦詩

譙樓更鼓夜。知汝不曾眠。坐見縹緗破。行看鐵硯
穿。辭家非割愛。有志在承先。喜極思吾叔。封書告
墓前。

聞從姪峽三

崑源

抱疴未瘥寄詩慰懷

讀書能立志。惟汝我期之。但賣文爲活。無傷歲屢

饑家貧原可樂。身病莫忘醫。看取月中桂。將圓花

滿枝。

是歲大
比故云

感事疊韻答峽三二首

直道爲時黜。吾儕安所之。得君詩破寂。使我歲忘
饑。俗薄邪干正。年災鬼嫉醫。螳螂休奮臂。黃雀在
高枝。

四海皆蒼赤。予心一視之。奈何剝彼肉。而欲療吾
饑。痛已傷心極。愚將割股醫。善人天或佑。甘露灑
楊枝。

拙齋詩集

卷八

古

送黃錫蕃丈

積昌

隨句邑宰張公移任清河

二首

清河君稅駕。句曲我停車。相送客中客。言歸家外
家。樽前折楊柳。馬上看桃花。莫漫傷貧別。淮孺有
酒賒。

萍蹤纔作合。雲路又間關。霖雨過江灑。春風鎮日
閒。好花送行旆。芳草惜離顏。此後邀青睞。只餘淮
上山。

京口佛照樓望三山二首

鼎足此三峰。江樓仙境逢。島深煙靄靄。天遠水溶溶。
樹影連飛鳥。潮音接暝鐘。坐中看不厭。莫被碧雲封。

江上數諸峰。詞曹杯酒逢。興豪春盎盎。海近水溶溶。
坐到落日晚。不知何寺鐘。籠紗談往事。題付主人封。

齋中四詠

并序

梅蘭竹菊花中四君子也。植非其地得無憔悴之傷乎。移而置之軒楹之前。四君子

拙齋詩集

卷八

五

者以我爲惠歟。抑以我爲褻歟。吾且樂與四君子共晨夕焉。

移梅

移梅芳樹園。引類近蘭蓀。窗日晨扶影。山泉夕灌根。
看花虛舊窟。招鶴到新村。好友林和靖。時來共晤言。

移蘭

本是沅湘種。移將圃隙栽。託根愁失所。違性恐遲開。
綺石從鄰乞。新泉汲澗回。當門免鋤刈。莫惜伍

蒿萊

移竹

此君標直節。動影翠捎空。已是欷危甚。那堪風露
中。護誰編枳棘。移使傍簾櫳。且悶不平響。無勞鳴
汝衷。

移菊

東籬傲霜菊。當日伴陶潛。彭澤今無令。茲花仍自
妍。刷來荒徑外。種徧小欄前。相對素秋節。此心同
淡然。

拙齋詩集

卷八

六

五河戴烈婦徵詩啟題後

操刃忍一割。豈不惜摧殘。夫病料難起。妾心從所
安。投繯已決絕。飲鴆更辛酸。烈婦初投繯爲家
人所救。繼飲鴆死。彤管表貞烈。千秋垂淚看。

自京口渡江泊七濠口登陸由紅橋過施家

橋將及廣陵城途中作

捨舟貪就陸。江岸路灣環。步健足偏懶。境幽心自
閒。新霜半紅樹。落日淡黃山。惆悵廣陵去。幾時征
鞅還。

史公祠弔梅花嶺

閣部猶祠宇。梅花舊日魂。春風來嶺嶠。香意動乾坤。白石幾高塚。蒼苔護故根。寂寥開府事。雪滿廣陵村。

過投金瀨

壁絮迹難尋。行行瀨水深。節高沈白壁。義重賤黃金。女子波間魄。英雄澤畔吟。銘碑愁過客。寶氣鬱雲陰。

桃葉渡

拙齋詩集

卷八

七

桃葉當年載。桃枝閱世新。空餘波上櫂。不見渡頭人。花月秦淮水。江山晉代春。蛾眉無覓處。煙柳總含顰。

林文忠公謫戍新疆時繪邊關望月圖一時

題詠千餘人共推淨雲不掩邊關月長照

羈臣一片心句爲壓卷余亦云然然恐非

文忠公所願聞也追題五言四十字九原

可作應慰其心

萬里無雲翳。天高風露清。三秋逢此夜。一月照邊

城只益丹心苦能添白髮明

二句本杜詩借用

九重

恩未報搔首若爲情

竹夫人和吳仲容

棄置亦已久逢時恩獨殊幽貞天所賦榮貴爾何
夫粉褪汗常透淚乾斑欲無湯婆莫嗟怨早晚卽
相需

和張幼笙補楓落吳江冷詩二首

楓落吳江冷肅然天地秋霜威歛眾木涼信在孤
舟平楚彌望入長淮終日流懸知衰謝意今古一

拙齋詩集

卷八

支

悠悠

楓落吳江冷層城不可攀夕陰生大野秋色賸寒
山戍古亂鴉集天空征雁還客愁那禁此坐惜鬢
毛斑

盤香追和解鐵如二首

爲要香留久盤盤紆曲之腸迴構思苦心熱作灰
遲月暈重重合星躔緩緩移深閨晝漏永默爾寄
相思

風定幔初捲日斜天向曛罷書盤谷序猶見博山

雲階蚓學成篆。壁螺旋有紋。對茲傷友道。直諒久無聞。

輓布衣解鐵如

老鐵不求仕。布衣甘隱淪。故山貪自樂。枯管世恆春。秀水周青士。東淘吳野人。余生恨見晚。惆悵薦溪蘋。

赴金沙歲試留別戴玉生

金沙三日程。老逐眾人行。倚棹看風色。揚帆聽水聲。鈍鋒猶學刺。破硯久荒耕。暫別辭鄰右。掀髯雪拙齋詩集 卷八 五

幾莖

大旱紀憂

瘠土無多穫。年豐尙忍飢。那堪逢旱魃。何以活烝黎。眯目鄰蝗入。酸心澤雁嘶。東南天遠大。日日望雲霓。

題柳州觀奕圖 并序

嘉善城北地名柳州。饒有勝景。邑之名孝。

廉顧靜厓先生隱於此。繪柳州觀奕圖。不

遠千里。郵寄索題。夫柳州靜境也。觀奕動。

機也先生處靜而不忘動猶於世有未能
愬焉者在乎賦五言律四章以應亦曰此
物此志斯人斯圖不可一日泯沒云爾

神仙遊戲術不定住瓊樓觀奕如觀史滄洲此柳
洲閑閑塵外事日日橋中遊爛盡南山谷先生未
白頭

煙渚畫船泊石橋飛絮晴鶯遷隨杖履燕蹴避楸
枰茶竈日亭午竹廊風有聲晚來冥結想譜出腹
中兵

拙齋詩集

卷八

三

海上猶多事江防未撤師無官慵獻策有友共彈
棋勝著在多算敗機由失時熟知興廢理天意實
人爲

犬吠白雲暮雞鳴紅日東先生何處所高卧此洲
中禊事眾賓集琴聲諸界空不須愁眼暗

唐韓偓
詩眼暗

休尋九
局圖巖乳洗玲瓏

嚴慎卿齋中詠貧

我輩不求富轉爲貧所纏好詩多折福破硯鮮逢
年笑每拙開口首難低向肩梅花亦吐豔只在雪

中媿

杪秋微雨病後述懷

微雨值秋暮。病軀先不禁。壯懷殊未展。老態漸相尋。白日浮生過。青燈苦死吟。只餘詩骨在。砥礪歲寒心。

與戴玉生論詩二首

黃河天上水。萬里下龍門。但抱滌洄勢。都無斧鑿痕。海難測涯涘。源必溯崑崙。細甚羚羊喻。徒忘迹可捫。

拙齋詩集

卷八

三

曹吳衣帶畫。楚楚亦云工。未覩常山陣。難成一將功。小家輪就斲。大用渾為雄。願學豈能至。聊明吾所宗。

文昌宮阻雨卽事

一閣秘幽徑。雙扉臨古邱。銀臺寶蓋兩山閒雲偶棲止。小

雨遂淹留。隱者逢詩伯。畢花農投詩索和仙風挹道流。鍊師

嚴炳森鄉前輩因緝節孝譜。女子亦千秋。節孝祠在文昌

雲階孝廉族弟宮之右道人啟局導余瞻拜獲譜觀焉

謁節孝祠追憶亡友張心壺 并序

郡城平定後首倡復興節孝祠議者張心
壺也格於時議莫遂其志竟以狂疾忤俗
陷身囹圄既出廬於招隱巖自焚死心壺
歿甫數載而祠卒興建余於心壺不能忘
情焉故追憶及之

畸人重節孝義動鬼神驚有願才難副無權力莫
爭囹圄千眾忌灰燼了餘生畢竟崇祠建英靈或
贊成

贈莫申甫先生卽次其述懷韻

拙齋詩集

卷八

三

經濟鬱未展虛懷常向人壯遊無暖席老至惜閒
身先生和余辛卯元旦試筆
有乾坤無補是閒人句坐有一琴共行惟孤
月鄰還聞耄好學日日琢磨新

冬月十一日渡江送內子韓氏葬述哀四首

亡於十月
初二日

始病冀力挽漸延嗟創深別離千古恨惻楚一冬
吟庭草鬱餘翠砌萱虧夕陰後彫松柏在憔悴若
爲心

憶汝于歸日紅巾擾攘秋幾經滄海變始解亂離

憂故宅猶青草。餘生共白頭。今番分手去。惟有淚長流。

舊債粗償了。新逋又累子。蓋棺眉不展。懸磬室無餘。匣鏡從塵網。妝奩檢破書。還聞垂殆語。念念屬鰥魚。

卜穴非難事。家山在眼前。義從掩藏速。貧恐歲時延。冒雪擎風旆。衝寒送葬船。先塋舅姑在。魂魄聚重泉。

宿文昌宮招飲家少甫鍊師巖炳森後至時

拙齋詩集

卷八

三

送內子葬回感賦二首

茲行非得已。相見豈無心。白日浮沈過。清尊慷慨吟。一燈宵冷淡。雙鬢雪蕭森。我感無由遣。因君慰藉深。

山門聞屐響。喧道鍊師回。乍見先心熱。相看忽笑來。呼僮重秉燭。入座勸銜杯。世事且爲樂。昔人安在哉。

星橋散步

竹西南畔路。隱隱見飛橋。風月觀空靜。星辰步度

遙曲欄低界。渡淺水暗通潮。欲叩陳隋事。珠宮閉
寂寥。

雨後遊平山堂追懷曾文正公二首

對岸山環拱。瀕江界畫分。雨窗初見日。風幘不留
雲。樓影當空出。鐘聲到寺聞。昔賢鴻爪迹。泥雪搨
碑文。

永叔來登後。茲堂開有年。空門亦魔劫。塵世幾烽
煙。一駐湘鄉節。重棲佛國禪。後遊回念及。惆悵滿
江天。

拙齋詩集 卷八

十四

白燕

羞共烏衣侶。傍人簷下飛。聊鳴意貞白。幸諒羽纖
微。曉幕動星影。風簾交月輝。玉堂信清貴。皜袂喜
相依。

新晴誌喜

欣欣此晴意。乃在我門前。一水白於月。數峰青到
天。雲皆隨雨散。屐亦得人憐。興至攜筇竹。西郊看
種田。

送陳乙橋赴河南武安宰令兄億樓幕三首

尾春纔小住。首夏又長征。一劍君知己。千山我送行。
離筵鶯睨曉。祖道馬嘶鳴。揮袂風雲起。前程埃吏迎。

舟車途轉換。水陸道逶迤。漢磧通秦時。河流抵洛澗。
石行山犖嶸。林宿嶺嶽崎。到日榴花放。先賡常棣詩。

中州名勝地。南界舊山河。況得賢明宰。應摻英俊多。
三張趨宇下。二陸起巖阿。想見琴堂化。溘風定可歌。

拙齋詩集 卷八

三

贈嚴慎卿二首

窮巷屢遭竊。

君行窩三遇偷兒

不聞車馬音。塊然成獨坐。

何以慰高吟。守分尊天爵。安貧契道心。閒時卽憶

我徐福走相尋。

謂徐政卿

爲善非求報。孳孳老不休。遇奇心不展。功大願難

酬。子美千間厦。香山萬丈裘。轉嗟家入口。無計爲

身謀。

寶月庵

女冠所棲

此庵懸寶月。不夜界長明。深巷門常掩。閒房晝亦

清蝠馴依佛座。虎善聽經聲。女冠來棲止。儻然出世情。

贈達子良

東鄰稱長者。濟世以刀圭。割肉休疑忍。剜瘡匪爲飢。漢佗傳秘訣。秦緩是良醫。我抱吟詩癖。煩君一療之。

春日雨

廉纖灑座隅。霖霖潤如酥。天意滋羣類。春官澤九區。草芽應暴長。花萼久相需。不著尋山屐。端居心拙齋。詩集卷八 三

自娛

甘泉西山道上

直西天六界。彌望杳無垠。車過如流水。驢鳴又得村。開山今錯壤。聚族古平原。借問巖棲者。泉甘何處源。

弔荆卿

竟緝求全策。危哉太子丹。盟渝六國易。力仗一夫難。氣作虹霓紫。歌終易水寒。并吞天意定。義士莫長歎。

七夕立秋

天上剛逢巧人間又報秋
星橋七夕度霜髻一年
愁瓜果筵仍設梧桐葉欲流
預憂無褐者怕上曝
衣樓

拙齋詩集

卷八

七



六

...

...

...

拙齋詩集卷九

丹徒南星高壽昌長齡著

五言律詩

讀王夢樓先生詩集感賦二首

吾邑幾前輩先生真軼倫才因去官肆家為浪遊

貧嗜酒從儒素持齋悟佛因向來珍墨寶先生以書名掩

其詩佳句更清新

我讀海天集夢樓詩集二十四卷海天一集專紀遊琉球國事因思全盛

時冊封天外國歸化島中夷若秀歌陪宴山中

拙齋詩集卷九

一

貴戚子弟皆習歌舞屋書座賦詩球人呼其國王

供奉王筵謂之若秀集中有中山王席上贈首里翁盛卿為屋書如那志

翁允溫馬克禮毛文麟四公子詩中山今滅盡

球疆今為日本所有掩卷愴余悲

于忠肅公於忠肅公因向來有君誰敢立任大眾人驚社稷倡言重身家報國

輕豈知旋蹕日竟有奪門爭赤族應無悔燕京是

舊京

今夕吟

我心抱微尙天豈喪斯文落落竟難合飄飄誰與

羣草蟲隨地是梧鳳幾時聞有酒但盈甕頽然今夕醺

聽西人述朝鮮國事

內亂訖纔定辱王力本微奈何耽鳩毒終自忽戎

機土木興工役臣民侈漢儀國王大興土木告成百官送王入宮臣民

觀漢官儀法侈為美談未幾難作可憐倭艦入尺組繫東歸日人陷韓

京虜王囚之

招募

養兵無所用招募濟時艱豈少英豪輩埋藏草野

拙齋詩集 卷九

二

間願聞恩挾纊且看令如山莫漫千金吝而云市

駿還

有感六首

中法和成日懸知無十年偷安聊旦夕彈指又烽

煙骨瘦已無肉喉飢仍有涎如以瘦骨投餓虎骨盡而虎猶未飽左文

襄語敵情果如此失計在從前

節餉裁兵速持籌算亦工但聞添國債未見革奢

風南海工新竣 天壇火忽空禳災脩省意久

已切 皇躬

好大夫何喜中原欲自強忠勤心可諒跋扈迹相妨
垂老猶戎馬羣兒忍謗傷干戈今又急思煞左
文襄

礮臺千百座竭盡帑藏成豈料資強敵翻然拒我
兵江防吳越重埃火魯齊驚縱有長沙疏徒聞痛
哭聲

聞道京師地千家九百空當時大司馬祇是諱言
凶粉飾徒滋寇因循遂養癰不知諸執政何以策
膚功

拙齋詩集

卷九

三

天使雙旌出張騫鑿空才節持龍鳳往槎犯斗牛
回未獲支機石空談劫火灰願持三尺劍東斫陣
雲開

飲恨

言官虛建議監子詎知兵壩上真游戲軍中乏老
成負恩諸將帥誤國兩書生
張佩綸吳大徵先後
均以書生督師免官
飲恨長崎諾幾同城下盟

遙送安侍御謫戍和戴玉生

屬毛離裏際臣子所難言死疏驚

天聽生流

是
主恩千官嗟祖帳匹馬出都門心事軍臺
上應同戍卒論

送友歸湖南

洞庭春水綠送子泛輕橈把酒惜餘宴揚帆隨去
潮江雲情戀戀嶽翠夢迢迢歸路見鄉樹還應賡
楚謠

有懷葵北姪附其弟雨巖使寄都門

軍情聞更急憶汝在京畿目極燕雲遠心隨朔雁
飛弟強休念母國在莫言歸 帝運神靈翼行

拙齋詩集

卷九

四

應解敵圍

如皋廣福寺樓雲堂次壁上劉名芳韻

行客如飛鳥茲堂我倦投雲橫林北角天盡海東
頭微雨清槐夏輕寒釀麥秋辟疆園在否思與老
僧遊

雒城訪李禹卿寓齋卽次見贈二律韻

杜門君已久乘輿我方濃乍與故人接還疑隔世
逢問年嗟嘖嘖握手喜重重情話候良久催人暮
寺鐘

潦倒雙蓬鬢相看可奈何頭巾吾已誤硯墨爾還磨
薄俗謀生拙衰年感遇多海鄉卜終隱且喜靖

干戈

時中日和
議新成

借吳東初至北郭書事

小住東臯寺言尋北郭家主人深愛客嬌女學擊
茶金竈通宵火銀燈不夜花義山絃久斷難遣玉
釵斜

靜坐

得閒此靜坐時復下階行院寂人稀至簷喧雀聚
拙齋詩集

卷九

五

爭賦詩書粉壁遣睡理茶鐺胸次無纖翳觀空雙
眼明

書如臯江片石集後

片石名干
一字黃竹

鍾靈天不一君得氣之秋有句惟吟恨無詩不訴
愁霜天聞曉角孤客在層樓掩卷傷才鬼秋墳咽
未休

舟夜苦蚊二首

烏篷泊蘆葦貪看水螢飛不謂蚊虻喙無殊豺虎
威推窗呼滅燭覓扇起披衣安得生干手渾身交

徧揮

己恨船艙窄難將帳幔施爾維何善刺我肉果如
飴青草叢邊市高郵界畔祠露筋祠在高郵界堪嗟芒在

背霍氏未先知

包貞女歸李八載亡夫弟妻戴生男三日奉

翁命嗣貞女卽戴懷抱置包懷譽乳孀乳

之是日湯餅會賀客盈庭余以事未與謹

賦詩以紀盛舉時光緒乙未閏五月二十

有二日也

拙齋詩集

卷九

六

伴靈已八載事死一如生此念終身矢斯人苦節
貞祧男懷內過賀客座間盈獨有衰翁意思兒暗
愴情

早春寄懷雒城吳東初

東風纔幾日細雨又輕寒柏葉釀初熟梅花開未
殘好音懷海上我友隔雲端但取知心貴無傷靦
面難

賦得上輪船

一自輪船上此身非我身出洋如隔世到岸始爲

人雲樹何王鳥巖花異域春祇知有去果不暇問
來因

鋪房曲

揚州商家婚娶先一夕鋪房親友來觀者麇集沿以爲俗戲作鋪房曲

月娥宵欲下雲母晝先開繡幔黃金飾香衾白玉
胎栴因解衣設鏡待畫眉來會見乘龍婿郎君是
妙才

魴魚詩貽友

魴魚戀苕藻亦傍釣磯遊潑刺滄浪水浮沈江漢
流腹飢貪就餌心細莫忘鈎得句貽吾友憑君上
拙齋詩集

卷九

七

口謔

輓何醴塘四首

斯人竟長逝抱恨一何深已歿難瞑目猶存不死
心故交成怨偶孤憤託哀吟太息風澆薄疇真利
斷金

憶宿東皋寺正逢櫻筍時到門聞卧病下榻卽論
詩文字今生契交情隔世期臨觴不能酌愴矣我
心悲

東海天幽僻南徐道阻遙吾家廣陵郡中路去來

潮步月鵲啼樹看雲雁度霄遲君歸櫬過煙水悵
虹橋

李君

禹卿

余至友僑寓與君親得暇蹤常接逢時酒

共傾豈知燒蠟夜猶憶及鯁生愴絕攜詩過前宵

諷詠聲

來書君易簣前一日禹卿攜余詩見示猶諷詠一過

淚言六首

并序

病中夢先嚴急遽欲有所陳而未及遂別
去醒後述之名其篇曰淚言

老親見背日四十八年前有夢通遙夜無書寄九

拙齋詩集

卷九

八

泉音容猶昔歲警欬似當年欲別牽衣袂雞鳴忽
爽然

兒老貧如故家門勉自撐艱難塵劫過冷暖世情
更豈曰安於拙而無負所生但持忠信意幸不墮
先聲

亡妹家衰落遺孤孰撫之

謂適陳氏妹邱庶母所生

最嬌緣過

愛漸長竟成癡督過情知晚謀生事屢歧隔江盼

來雁消息二年遲

從伯先吾父

煥廷公諱楠

云徂五十年至今傷淺土行

見卜新阡伯次孫來謀營葬因力贊之已有成約矣馬鬣期秋後牛眠

待臘前夜臺兄弟誼聞信定欣然伯與先嚴為小功服兄弟其柩

久厝先嚴墓壙外今將遷葬故云

外家喪亡盡五櫬寄江干土薄蟲蛇穴沙虛骨肉

寒佳城思鬱鬱餒鬼泣團團五櫬厝於一處願荷劉伶鍾

荒邱為改觀外家曹氏兵燹後喪亡略盡厝柩不可辨識擬謀諸土人共為一大塚立

石誌之蓋不復能遷歸故土矣

家乘雖新輯今年重脩宗譜告成宗祠地尙蕪宗祠始成先嚴日灑掃於

其中今燬於兵燹基地猶在荆棘間也料知泉下望難諉異時圖語

拙齋詩集 卷九 九

拙逢人厭家貧畫策紆寄書與同志謂家太史早葵北姪

晚仗匡扶

立秋日雨憶京口

澍雨迎秋至醞酬灌自空生涼到絺綌催葉下梧

桐西陸沈冥際南山唵喝中故鄉秔稻思歸舫看

年豐

病起寄少甫弟雨巖姪二首

卧病三秋過緘酸百日呻疫難殞壽者天不夭勞

人鏡影彫顏髻齋心苔鬼神生花少時夢又放管

城春

到眼渾多務而今總看輕假如身便殞那得我關
情有志獨爲善因人事少成男兒須慷慨莫作可
憐生

新竹和龍川詩社諸子

乍露放梢影猶聞解籜聲連山雨已足近水綠先
成鳳尾嫩防折龍孫秋始鳴虛心度老竹應見後
生驚

都梁草題句

并序

拙齋詩集

卷九

十

真州于君小堂弱冠棄舉業遊宦以卑官
禦賊戰歿於盱眙明光集從者莫獲其屍
夫人陳氏抱遺集撫孤垂二十年以終哲
嗣樹滋茂才招父魂與母合葬刊遺集以
傳而忠靈益顯於時所謂都梁草是也自
咸豐歲軍興以來賊蹤所至官紳士庶與
城俱亡者指不勝屈獨於于君有異焉者
忠節孝萃於一門不有黜相之者在耶讀
都梁草重其人並重其詩題五言律二章

一紀其實一感余懷要皆由是草發因并誌之

瘞骨不知處招魂事黯然姓名光國史著作賸詩
篇茹苦高妻節傳家慰子賢古來忠節孝幾見一
門全

捻逆殘豐縣吾兄亦殞軀

諱青選字子琴以舉人
大挑授教職咸豐八年

殉難豐
縣任所

室中先喪偶膝下更無孤文字埋榛莽詩
書委道途因君遺稿在感觸一嘻吁

陳家集東龔巡檢

拙齋詩集

卷九

七

聚族村成集沿呼姓是陳卅年殘劫地百里趁墟

人

甘泉以西五日一市
茲集逢市遠近皆至

不有丞能理何由俗返淳

顛愚原易感已頌下車仁

暑夕聽華光廟僧彈琴

鉤簾夜不寐窺見月團圓正爾境寥寂聽君琴鼓
彈正聲出几上虛籟落簷端陡怯涼飈入詎因衣

袖單

申甫先生自京師下第來遊邗上將返衡陽

猗園席上猥蒙贈詩留別奉酬五言律二

章分襟在卽情見乎詞滄海重逢舊因留
話期諸異日云爾

詩人不早達垂暮更蹉跎白首雄心在青春縱酒
歌別燕纔道路望嶽又關河席煖何無暇憐君悲
憫多

落帆揚子邑幾日到瀟湘別夢縈千里離筵勸一
觴客程殊草草吾意獨茫茫後會期何處吳鄉望
楚鄉

題卧樓詩

并序

拙齋詩集

卷九

三

同里盛君立人購地京口大江之濱建樓
兩楹命名卧樓賦詩見寄索和余讀其詩
心輒異之夫以大江之濱近屬洋界諸國
互市兵輪往來礮臺穹隆巡丁絡繹百貨
居積奇服殊音之士五方雜處之流商賈
其間奔走若蟻塵土污人盛君獨能高枕
層樓之上非有異於人者安得宴然若斯
耶吾聞神龍善卧卧時泥沙覆其身積久
成洲島鳥雀銜墮果核長樹木成巨林醒

時翻身頓失龍弗知也又聞陳搏古仙人亦喜卧卧醒八百餘年怪問彭祖已天歿此八百餘年內世情物態紛更變易舉無所知然則盛君卧乎其樓安有洋界諸國兵輪礮臺巡丁百貨與夫異服殊音之士五方雜處之流在其心目間哉然後知盛君名樓之義有在其異於人者猶之龍與搏也爰賦五言四十字以應其求抑亦冀附斯樓以傳云爾

拙齋詩集

卷九

三

鯨魚不可掣惡浪怒掀天近海無安枕茲樓有卧仙浮雲輕世事閒日擲餘年夢醒諸緣杳星河落檻前

哭李禹卿

歿於東
舉旅寓

連年喪老成一度一吞聲又報故人歿頓令同學驚斷遊京口路長痛海東城分袂前期在難爲舊

別情

戊戌孟秋病中藝語十首

九州遙劃界橫議騫驚人社稷危如卵安存等厝

薪有民堪振作無吏不因循空讀 求賢詔埋

頭泣隱淪

新秋散餘熱扶病起登臺父老瓶猶罄中西館特
開煌煌濟世策袞袞後生材髮短逢新政心長只
自哀

貧黎憂粟貴穀賤實傷農厚意天垂眷寰區歲告
豐及茲除弊政安在少成功幾見蘇張舌能回郵
治隆

地博疆難理天高聽自遙不聞刑及蘇但頌德如

拙齋詩集

卷九

十四

堯國脈寬柔在

皇威粉飾銷何時罪已

詔剗切下青霄

但有十室邑孰云忠信無英賢隱耕釣豪傑出屠
沽自失弓旌典誰開薦剗途學堂掘井討救渴特
毋紆

制藝前朝定遴才困昔賢豈知分股數已兆八旗
先鑑自庸夫失文隨世運遷今朝風復古看取業
精專

十萬橫磨劍三千童子軍倘然教有益何竟寂無

聞私智應知悔奇謀勿浪矜可憐王介甫憂國本
忠勤

火輪利涉水陸路不通舟誰獻飛車利而堅鑄鐵
謀帑銀千億擲棧道一時脩假若資強敵能無滅
號憂

僧尼虛食粟 王政本寬洪奪地以益地急公
非至公不辜罪宜宥非義道難通成命奚難返昂
頭籲碧翁

卧病生無益傷時死便休如何餘一息難遣是殷
拙齋詩集 卷九 五

蔓草莽天愁墜江湖雁報秋一燈風雨夕哀角警
城樓

暮雨

暮雨來非意初秋百物宜著簷餘熱斂灑戶早涼
知病起功非藥枯回潤在枝明朝看山色笑展一
峰眉

病起摘後園扁豆分一小筐送戴玉生

數粒冬藏種三時雨至栽藤稠壓架重花茸過牆
開捧筥兒童喜梯桑婢媪來無由致李白蒼耳憶

銜杯

李白有尋魯城北范居士失道落蒼耳中見范置酒摘蒼耳作

黃葉和吳仲容

一棹還鄉路江南落照中孤村明霽色萬樹老西風鶴影下晴漢蟬聲思故宮始知金氣肅儼與佛裝同

戊戌仲冬書白塔河關壁

南行盡平壤東去有長川海近魚鹽市關叢賈販船樵柯禿柳上漁罟落潮邊又見寒灘出河冰忽暮年

拙齋詩集

卷九

七

過龍川聞三元宮詩僧六清棄住持而去莫知所之貽詩同社諸子以誌悵惘不無惋惜之意焉

斯人不可見客燕去無蹤敗興山樓月無言佛閣松題詩應到處移錫在何峰我欲浮滄海乘槎訪孽龍

遠浦歸帆爲吳門陶守之題畫

一帆將百里風送旅人歸回望舊遊處寒山隱翠微沂江晴日少助暝浦雲飛前路欲焉泊村童應

候扉

歸途見燕有感

燕來逢社後，輒語作羣飛。
羨爾新巢定，還將舊主依。
物情皆自遂，人事故多違。
請命書纔上，應憐我獨歸。

舟阻

行道有通塞，忽然逢阻舟。
萬篙叢蝟刺，千舫聚魚頭。
坐待江湖上，不因風雨留。
暮林失棲雀，相傍故啁啾。

拙齋詩集

卷九

七

昆陵河道歎

昆陵西十里，河道窄如溝。
去舫欺來舫，前舟礙後舟。
兩行排木筏，一綫走灘流。
有意留行客，無煩羨石尤。

小河口夜泊二首

臨江舟夜泊，近晦月遲明。
小邑初傳鼓，荒郵遞報更。
客心叢萬棘，愁髻倚孤檠。
爲切還家意，翻教夢不成。

岸犬迎舟吠，篙師警伴呼。
暗窗燈影入，醒枕旅情

孤泛梗愁風浪垂堂懷道途平居易棖觸何況值
艱虞

小河曉起卽景

小河河口住旅况喜朝曦登岸四五里提壺三兩
村市荒魚極賤江近水多渾漸聽鄉風入瓜州客
到門

順風

順風天假便不復滯行舟岸腳如奔馬船頭起白
鷗祖生嬉一檝宗慤嘯中流破浪須臾際平生志
拙齋詩集 卷九 六

願酬

秋夜

仰空何歎息觀化幾徘徊圓月昇偏早低雲薄易
飛掩螢疏點小催雁一行歸貴賤豈無分生涯濁
酒杯

天甯寺晚眺作七疊韻與朱黼卿和

出郭興未倦談元時已昏鼓鐘喧晚課燈火上城
門遊騎整鞍過歸鴉爭樹繁東林忽明亮海月湧
銀盆

市散漁方醉鐘鳴寺已昏斷雲低坂渚斜日射山
門樵牧倦知返牛羊呼漸繁杜詩牛羊識童僕既夕應傳呼興闌
歸莫緩家釀候盈盆

長廊足留戀送客易黃昏水閣初偃舫松寮未閉
門鶴翻雲翼緩犬吠市聲繁已滌塵容淨何須玉
女盆

暝色行不盡層層雲翳昏面城無百步角勝是雙
門日落寺鐘動燈明街柝繁天晴夜須到莫待雨
翻盆

拙齋詩集

卷九

九

天甯城一角鐘鼓報黃昏福地在人境天尊宏法
門歸遲西日入坐久眾星繁不怕嚴扃鑰孟蘭待
建盆孟蘭會盛時僧徒出入呼城卽啟

愛此禪關靜從晨坐到昏聽經桴應鼓說戒榜懸
門院石頑俱警天花墮太繁晚齋僧饜淨水滌
磁盆

塔頂夕陽盡城隅暝色昏蒼眾林木杳杳古禪
門步緩知家近愁縈覺緒繁臨行語方丈愛護菊
花盆

題吳野人詩集後

甲申國變後名士隱東海人事滄桑感先生道義
高秋風一茅屋良友幾締袍借問是何樂終年吟
諷勞

種菊

愛惜東籬菊秋來始發花移根乘雨節分惠自鄰
家石磴開蒼蘚窰盆購紫砂祇知勤四體無意祝
籌車

鄰翁

贈吳六丈麗泉

拙齋詩集

卷九

二十

鄰翁七十餘鬚白髮蕭疎語我依忠孝

嚴君平與人言君依

於忠言父依於孝

居家戀布蔬有時經慷慨於俗易齟齬

古道今人棄青苔滿敝廬

重陽次朱黼卿韻二首

重陽風雨少黃菊未全開鴻雁到何早故人期不
來題糕膽愈怯落帽首重回在萸歲華暮一登江
上臺

他鄉逢九日又見菊花開白日登高去清霜上髻
來南還計濡滯北望意遲回願著羊裘老邗溝築

釣臺

國債

國債年年積瘡痍日日深開山求白鏹煮海漚黃
金未補卮中漏難厭域外心坐無一策獻愁有二
毛侵

庚子五月初十日芒種東童雪薑時張養源

有館童欠束脩追索不應之苦

端陽後五日芒種閏年遲宿麥離田驟新秧待雨
滋晨餐餅餌賤午喘綵緜知正坐儒酸素黃梅又
拙齋詩集 卷九

三

及時

雨夜醉書

青天原易見雨夜故多雲晦月潛藏魄繁星盡隱
文縱然孤鶴唳難得九霄聞獨有吟詩膽輪困仗

酒釀

時將上書指陳中
飽爲友人阻止

少年

少年負奇氣得位願爲霖自動妻孥念潛移仕宦
心江波隨簸蕩塵海共浮沈不見歲寒節彫枯松

柏林

秋望

迢迢望析津消息使心驚薄日懸孤照浮雲急遠
征漫山皆敗葉到處是秋聲衰弱關天意艱難隕
老成

殘菊

一秋風復雨不獨畏嚴霜葉抱殘枝綠花餘敗蕊
黃興闌詩惋惜客病酒疏狂猶有迎南朶微暄藉
太陽

早梅

拙齋詩集

卷九

三

數株枯未死一半挺杖柯鐵榦瘦彌勁孟冬先有
花護持宜月夜驚喜忽山家棲鶴避何意雪天剛
煮茶

